

刑部比照加減成案續編

刑部比照加減成案續編卷十四

杭州許樾訂

刑律人命

殺一家三人

湖廣司

道光十二年

北撫題余立文、因小功堂兄余特升、行竊族人余陳氏家米物。同子余易發等搜獲

原贓稱欲送究。余特升畏罪自縊身死。其妻余李氏向該犯潑鬧。該犯起意謀殺。主使余易發等將余李氏捆溺致斃。復恐後患。先後主令余易選等將李氏之子余沅幅。余年姊一併致斃。一係小功兄妻。應同凡論。兩係總麻服姪。比照殺死一家三命。分均卑幼內有一人按服制律應同凡論。

者斬決。梟示。余易選。僅止聽從加功。謀殺二命。仍從一科斷。擬絞監候。

四川司 道光十三年

川督題太平縣張懷玉、同弟張懷柱、向姊夫王仁秀借貸。王仁秀因伊姊已死。親戚斷絕。不允借給。張懷玉、商同張懷柱、將王仁秀致死。取其包穀衣物。並將其女王寅

女王二女致死滅口。律例內並無作何治  
罪明文。張懷玉應比照外姻尊長謀財殺  
小功卑幼一家三人例。凌遲處死。業已跳  
岩跌死。仍照例剉屍梟示。張懷柱照殺一  
家非死罪三人爲從加功者斬律。擬斬立  
決。

四川司

道光五年

川督題合州唐地澇砍傷劉唐氏、劉冬姑、  
一家二命身死。查劉唐氏係唐地澇降服  
總麻姪女。劉冬姑係劉唐氏親女。與唐地  
澇並無服制。例內並無毆死總麻卑幼一  
家二命。內有一人應同凡論。作何治罪。明  
文。該犯故殺總麻姪女劉唐氏、罪止絞候。  
其故殺無服甥女劉冬姑、罪應斬候。惟例

內殺死總麻卑幼一家二命。卽應絞決。斬。罪雖重於絞。罪立決。實重於監候。劉冬姑。與該犯雖無服制。究屬卑幼。自應比例。問擬。唐地澁。應照殺死總麻卑幼一家非死罪二命者。絞決例。擬絞立決。

河南司 道光十年

河撫題確山縣王得禮因子王應夏自縊

身死。係由王孫氏不借酒壺爭吵起釁。輒起意將王孫氏致斃洩忿。卽持刀往將王孫氏砍傷。復因其姑王朱氏將該犯抱住喊叫。該犯掙不脫身。又將王朱氏扎傷。先後殞命。查王孫氏係該犯小功堂姪之妻。服屬總麻。王朱氏係該犯大功兄妻。至死律同凡論。例內雖無謀殺總麻姪媳後毆



斃其姑一家二命。作何治罪。明文惟謀殺  
總麻姪媳。與毆死大功兄妻。均應絞候核  
與謀殺功總卑幼一命絞候。二命應擬絞  
決者。罪名相同。王得禮比照殺功服總麻  
卑幼一家非死罪二命者。擬絞立決。奏請  
定奪。

安徽司

道光十三年

安撫咨丁惠悰、聽從何茂煥糾毆致斃夏耕堂等九命一案。該撫將丁惠悰、依火器殺人例擬斬。部查火器爲害最烈。故殺人。之例獨嚴。然必究死於火器之傷。方可以。故殺論。若火器傷輕。別因他物致斃。應仍。依鬪殺定擬。不得槩坐以火器殺人之條。今丁惠悰、聽從何茂煥糾毆。點放鐵銃。致。

傷趙令應、鄭越中、落水殞命。原驗傷俱輕。  
淺死。由於溺。卽與火器致斃人命者不同。  
惟已死趙令應、鄭越中、雖非一家。而何茂  
煥致斃之趙芒、與丁惠悰致斃之趙令應、  
係屬小功弟兄。將丁惠悰依聚眾共毆致  
死、一家二命爲從下手傷重擬絞監候。

浙江司

道光四年

浙撫題趙里州、砍傷總麻服兄趙幅山、總  
麻服弟趙金榜、各身死。該撫以趙里州毆  
死趙金榜、罪止絞候。其毆死趙幅山、罪應  
斬候。從重將趙里州、依毆死總麻兄律、擬  
以斬候等因。查毆死總麻尊長一命、復毆  
死總麻卑幼一命、如死者並非至親服屬、  
一家自應依二罪俱發、從重擬以斬候死。

係一家二命則以一家二命爲重惟例內並無毆死總麻尊長復毆死總麻卑幼一家二命作何治罪明文本部向來核議此等案件卽比照凡人毆死一家二命例問擬絞決誠以斬罪雖重於絞罪而立決實重於監候是以從重比例定擬今趙里州毆死總麻服兄趙幅山復毆死總麻服弟

趙金榜死係期親弟兄一家二命。該撫將該犯照毆死總麻服兄律。問擬斬候。是置一家二命於不問。殊未平允。趙里州改依毆死一家二命者絞立決例。擬絞立決。

江西司 道光五年

江西撫題蒙老五仔毆斃何俊地一命。復聽從擡燒何蘭貴何妹仔二命。其何妹仔

與何俊地係同胞弟兄係屬一家例內並無致死一家二命及三命而非一家一係鬪殺二係謀殺加功作何治罪明文但鬪殺與謀殺加功均應絞候今連斃三命情殊兇橫應比照毆死一家二命或三命而非一家例擬絞立決。

四川司

道光六年

川督題羅楚秀係已死羅沅禮等共高祖  
族叔服屬總麻其因羅沅禮之父欠錢不  
給並挾羅沅禮等辱罵之嫌輒卽起意糾  
約多人圖毆洩忿致被糾之陳洸武等將  
羅沅禮羅沅智毆戳致斃是羅楚秀糾毆  
釀命實爲首禍之人死者旣係一家固未  
便照毆斃一命及二命而非一家例內原



謀○從○一○科○斷○若○照○聚○眾○共○毆○致○死○一○家○二○  
命○之○例○擬○以○絞○決○而○羅○楚○秀○係○羅○沅○禮○等○  
總○麻○尊○屬○又○覺○過○重○遍○查○律○例○並○無○總○麻○  
尊○屬○聚○眾○謀○毆○致○死○卑○幼○一○家○二○命○作○何○  
治○罪○明○文○自○應○比○例○減○等○問○擬○羅○楚○秀○應○  
比○照○聚○眾○共○毆○原○無○必○殺○之○心○毆○死○一○家○  
二○命○者○將○率○先○聚○眾○之○人○不○問○共○毆○與○否○

擬絞立決例上。量減一等。杖一百。流三千里。

陝西司 道光六年

陝撫咨孫狼兒毆傷李發榮並出嫁之女李氏先後殞命。律例內並無其父與出嫁女被人毆斃將兇犯作何治罪專條。咨請部示查殺一家三人律注云。一家謂同居。

雖奴婢雇工人皆是。或不同居。果係本宗。五服至親。亦是等語。又服制圖內。載出嫁女。爲父母服期年。是毆死父女二命。雖其女業已出嫁。惟服制圖內。旣載有本宗字樣。自應卽照本宗五服至親律注。以一家二命論。孫狼兒應依毆死一家二命者擬絞立決。

河南司 道光五年

河撫題王士春謀殺王進川並故殺王進川之子王庚子一家二命查王進川係王士春總麻服姪王庚子係王士春無服姪孫律同凡論例無殺死一家二命一係總麻卑幼一係無服應同凡論者作何治罪明文固不便因有一命應同凡論卽照凡

人○殺○死○一○家○二○命○之○例○問○擬○斬○梟○置○總○麻○  
卑○幼○於○不○問○若○遽○照○殺○死○總○麻○卑○幼○一○家○  
二○命○之○例○問○擬○絞○決○內○有○一○命○應○同○凡○論○  
又○覺○情○浮○於○法○自○應○比○例○酌○核○問○擬○王○士○  
春○應○比○照○殺○一○家○非○死○罪○二○人○斬○決○梟○示○  
例○擬○斬○立○決○免○其○梟○示○

河南司

道光五年

河撫奏密縣喬鳳殺死總麻卑幼喬年等  
一家三命。查喬年係喬鳳總麻服弟。年已  
十一歲。按律罪止擬絞。其喬甫成喬羣妮  
均係無服卑幼。按照凡論罪應斬梟至殺  
死卑幼一家三命內有二人應同凡論者  
例內並無議及自應就其應同凡論之命  
數。按例辦理。喬鳳合依殺一家非死罪二

人例擬斬立決梟示。

湖廣司 道光七年

南撫咨鄧必同夥竊夏正榜牧放牛隻。因見夥犯被獲。幫護拒捕。致斃夏正榜。夏大耀父子一家二命。其時已離盜所。賊復丟棄。惟因行竊毆死一家二命。數由拒捕。並非謀故。若僅依竊盜棄財逃走。因被追逐。

拒捕。及後逃護夥拒捕。毆死事主一命之  
例。擬以斬候。非特情重法輕。且置一家二  
命於不論。自應比例問擬。鄧必同。比照殺  
一家非死罪二人例。擬斬立決。係比附科  
罪。免其梟示。毋庸斷給財產。

四川司 道光七年

川督題任思棟、戮死穆王氏、任二姑、一家



二命。查任二姑係穆王氏童養子媳。名分已定。卽屬一家。惟任二姑係任思棟期親姪女。出嫁降服大功。律例內並無殺死一家二命。一係平人。一係大功卑幼。作何治罪。專條自應比例問擬。該督將該犯比依毆死一家二命。一故一鬪例。擬斬立決。擬罪雖無出入。援引究未允協。任思棟應比

照殺一家非死罪二人擬斬立決例擬斬立決免其梟示仍酌斷財產一半給被殺之家養贍。

湖廣司 道光九年

南撫奏劉第恩因與總麻服姪劉士孝之妻許氏通姦被劉士孝之叔劉繼凝撞見毆打禁絕該犯謀毒劉繼凝並誤毒其妻

身死。若按謀殺總麻以上尊長。本律問擬。斬決。與僅殺尊長一命者。無所區別。比照。殺一家非死罪二人例。斬決梟示。並酌斷財產一半。給付死者之家。

四川司

道光十二年

川督題新繁縣楊里昭。向妻前夫之子楊志才之妻鍾氏。調姦不從。恐其說出。起意

將鍾氏殺死。並誤傷鍾氏之子楊娃身死。  
遍查律例。並無圖姦本婦。又誤殺其幼子。  
一家二命。作何治罪明文。應卽比例問擬。  
楊里昭比依殺一家非死罪二人斬決梟。  
示。例擬斬立決梟示。

四川司 道光十四年

川督題張吉先向胡光表索取允借錢文

不給爭鬧。將其毆傷致斃。係屬鬪殺。因胡何氏、胡之貴、劉道華、喊拏起意一併致死。係屬故殺。查劉道華係胡何氏姨甥。並非一家。胡何氏、胡之貴係胡光表妻子。雖係一家。惟例無殺一家三命二故一鬪作何治罪明文。查故殺一家二命與故殺三命內二人仍係一家。均罪止斬梟。自應從一。

科斷張吉先除鬪殺胡光表輕罪不議外。  
合依殺三人而非一家內二人仍係一家  
者斬決梟示例擬斬立決梟示。

湖廣司 道光十四年

北撫趙黎繩治因被黎繩美屢次欺凌勒  
捐地價起意謀殺。將黎繩美毒死。並誤毒  
樊柳氏曾大漢斃命。該犯係黎繩美無服

族弟應同凡論柳氏係鄰居之婦並非一家曾大漢係黎繩美同居雇工應照律注作一家二命論惟曾大漢樊柳氏均係誤毒致死按誤殺旁人一家二命及殺人而非一家例俱斬決查該犯情節較重自應仍依殺一家二命問擬黎繩治合依殺三人而非一家內二人仍係一家者斬決梟

示。例。擬。斬。立。決。梟。示。仍。將。財。產。一。半。給。黎。繩。美。曾。大。漢。家。養。贍。

四川司

道光十四年

川督題新津縣張興五。因與陳悰友之妻陳胡氏通姦被獲。將本夫拒傷身死。又因姦婦陳胡氏拉住喊叫。將陳胡氏戳斃。張興五除與陳胡氏通姦輕罪不議外。合依



致死一家二命係一故一鬪擬斬立決例。  
擬斬立決。

四川司 道光十四年

川督題眉州游子興與王雷氏在房續姦。  
被本夫王萬舟偕堂弟王萬良踢門進內  
捉拏。該犯輒敢逞兇拒捕。將王萬舟王萬  
良一併戮死。實屬淫兇。王萬良係王萬舟

同○曾○祖○小○功○堂○弟○係○屬○一○家○遍○查○律○例○並  
無○因○姦○拒○捕○殺○死○本○夫○一○家○二○命○作○何○治  
罪○明○文○惟○查○罪○人○拒○捕○殺○死○捕○人○律○應○擬  
斬○凡○人○謀○故○殺○人○亦○應○擬○斬○今○該○犯○因○姦  
拒○殺○本○夫○一○家○二○命○與○凡○人○謀○故○殺○一○家  
二○命○罪○無○二○致○自○應○比○例○問○擬○游○子○興○除  
與○王○雷○氏○通○姦○輕○罪○不○議○外○應○比○照○殺○一

家非死罪二人擬斬立決。臬示例擬斬立決。臬示酌斷財產一半給被殺之家養贍。

四川司

道光十四年

川督奏城口廳賊犯王老三聽從陳寅兒糾邀偷竊。因事主驚覺起捕。輒敢臨時起意行強。將事主張梁氏、張冷氏、戮傷身死。殊屬不法。張冷氏所受各傷。應以王老三

刀戳咽喉近右爲重。該氏係張梁氏之媳。係屬一家。雖律例內並無強盜殺死事主一家二命作何治罪明文。惟殺一家非死罪二人與強盜殺人罪均斬梟無可復加。自應仍照強盜殺人本例從一科斷。王老三合依強盜殺人斬決梟示。

四川司  
道光十三年

川督題營山縣吳潮周、因司景泰之妻司羅氏、帶同子司小保、在伊家借住不走。吳潮周用言嚇逼。致羅氏自縊身死。吳潮周起意私埋。並將司小保活埋滅口。嗣經司景泰查問爭毆。亦將其毆傷斃命。查吳潮周、活埋司小保。並毆斃司景泰父子一家二命。係一謀一鬪。例內並無作何治罪明

文查謀故罪名相等自應從一科斷吳潮  
周應照殺死一家二命一謀一鬪者斬決  
例擬斬立決奏請

定奪毋庸斷給財產

湖廣司 道光十四年

南撫題鄧虔會因甯暢庭與伊姦好之潘  
戴氏通姦該犯被甯暢庭撞破禁絕往來

心懷忿恨。起意謀殺。將甯暢庭殺傷身死。經鄰人劉青聞。鬧趨勸。該犯疑護。將劉青亦戳傷殞命。白玉沅上前捉拏。又被拒戳致斃。殺三人而非一家。係一謀。兩鬪。比照殺非一家三命例。擬斬立決。奏請定奪。毋庸斷給財產。

河南司

道光四年

河撫題商城縣倪蓮友因挾夏自興訐伊  
偷竊萬輭良園竹之嫌起意謀毒夏自興  
致斃並誤毒其子夏貴喜身死實屬兇殘  
不法例內並無謀殺一命復誤殺其人之  
子一命作何治罪明文固未便竟照殺一  
家非死罪二人之例科以斬梟亦未便僅  
依謀殺人本律問擬斬候置一家二命於



不問。自應酌核問擬。倪蓮友應照謀殺人而誤殺旁人如係一家二命例擬斬立決。免其梟示。毋庸斷給財產。

河南司 道光七年

河撫題商邱縣王景堂因繼母周氏被郝施氏毆詈氣忿自縊該犯痛忿莫遏起意謀砍郝施氏致斃並誤傷其子郝文駒身

死○係○屬○一○謀○一○誤○死○雖○母○子○二○命○較○之○謀○  
故○殺○一○家○二○命○情○節○稍○輕○第○例○無○謀○殺○一○  
命○復○誤○殺○其○人○之○子○一○命○作○何○治○罪○明○文○  
固○不○便○竟○照○殺○一○家○非○死○罪○二○命○之○例○科○  
以○斬○梟○又○不○便○僅○依○謀○殺○人○本○律○問○擬○斬○  
候○置○一○家○二○命○於○不○問○自○應○酌○核○問○擬○王○  
景○堂○應○照○謀○殺○人○而○誤○殺○旁○人○如○係○一○家○

二命例擬斬立決免其梟示毋庸斷給財產。

湖廣司 道光十一年

南撫題賴洸標謀毒賴得和身死並誤毒賴得和之母邱氏弟賴六伢妻顏氏致斃一家四命賴得和賴六伢係該犯期親服姪顏氏係功服姪婦邱氏係胞兄之妻應

同凡論。查殺死期親卑幼一家三命。內有  
功服卑幼。例應仍從殺死功服卑幼三人  
法。則殺期功卑幼一家四人。內有一人應  
同凡論。分非卑幼者。應比照殺凡人一家  
非死罪三人律問擬。惟該犯謀殺一人。其  
三人係屬誤殺。與有心殺死者有別。賴洸  
標。比照凡人謀殺而誤殺。旁人一家三命。

以上例。擬以斬梟。毋庸酌斷財產。

江西司 道光十二年

江西撫題謝周氏謀毒夫弟謝希倫之妻  
李氏身死。並誤毒謝希倫及其子謝學魁。  
媳鄧氏一家四命。查律例並無謀殺夫弟  
之妻。以致誤殺夫弟及其子媳一家四命。  
作何治罪明文。應比照謀殺人而誤殺旁

人一家三命以上斬梟例擬斬立決係婦  
女免其梟示。

安徽司 道光四年

安撫奏劉洪寬與劉洪玉之妻通姦起意  
謀毒劉洪玉誤毒劉洪玉嗣母鄧氏同時  
殞命查劉洪玉係該犯大功堂兄因過繼  
與無服族嬪鄧氏爲嗣降服小功鄧氏與

該犯並無服制。遍查律例。並無因姦謀殺小功尊長之母。作何治罪明文。惟細核謀殺。人而誤殺其人之母。並誤殺旁人一家二命。擬斬各條。在凡人尚罪應斬決。劉洪寬因姦謀殺小功尊長。本罪卽應斬決。復誤殺尊長之母。自應比例加擬梟示。以示區別。將劉洪寬比照謀故殺總麻尊長一

家二命例擬斬立決。加擬梟示免其酌斷財產。劉韓氏與劉洪寬通姦致本夫劉洪玉被姦夫謀殺。訊未知情同謀罪止絞候。惟伊姑鄧氏並未縱容被姦夫誤毒身死。該氏身犯邪淫以致伊夫伊姑同時死於非命。自應比例問擬。將劉韓氏比照子孫犯姦祖父母父母並未縱容被人謀故殺。



害者擬絞立決。子孫之婦有犯與子孫同科。例擬絞立決。

四川司 道光六年

川督奏邛州王全泗因從總麻族叔祖王子林竹林邊經過。見有絆倒竹筍。順便拾取。王子林之雇工楊有林喊阻。該犯棄筍走回。經王子林查知。卽以該犯竊筍。至伊

家叫罵。該犯之父王在隴，將伊斥責而散。嗣該犯攜刀赴山看守芋麥。路過王子林門首。王子林瞥見，又向辱罵，並聲言送官究處。該犯因撿筍事小，屢被辱罵，且欲將伊送究，忿恨莫遏，起意致死。遂趕攏用刀連戳王子林肚腹等處倒地。王子林之子王在先趕來，該犯亦起意一併致死。用刀

連戮。致傷其右腿等處。均各殞命。該犯跑出。適總麻服兄王全貴聞聲趨至捉拏。該犯持刀嚇唬。王全貴挽住刀柄一拉。仰跌倒地。該犯被拉帶跌。因刀尖向下。致戮傷王全貴肚腹。亦卽殞命。復有小功堂叔王在連追捕。該犯用刀戮傷王在連偏左後肋平復。查已死王子林王在先。係屬父子。

均係該犯總麻尊長。已死王全貴係該犯  
總麻族兄。與王子林父子。雖不同居。亦係  
同宗五服至親。卽屬一家。王全泗戳死王  
全貴。係屬鬪殺。遍查律例。並無致死總麻  
尊長一家三命。內兩謀故一鬪殺者。作何  
治罪明文。自應仍照謀故殺總麻尊長一  
家二命本例。問擬王全泗除刃傷小功堂

叔王在連毆殺總麻族兄王全貴各輕罪  
不議外。合依謀故殺總麻尊長一家二命  
者。斬。決。梟。示。例。擬。斬。立。決。梟。示。

四川司 道光六年

川督咨蒲江縣王沅湯因總麻族伯母王  
熊氏誣伊偷取地內王瓜。往向理論。被王  
熊氏用木棒毆傷左臂膊左手指。該犯順

用尖刀回戳。致傷王熊氏左肩甲。並劃傷左腮。王熊氏復用木棒行毆。該犯閃開。又戳傷其右後肋。王熊氏之媳王宋氏攏護。該犯用刀砍傷王宋氏左肩甲。並劃傷左腮。王熊氏奪刀。該犯復戳傷其肚腹等處。倒地。正欲跑走。被王宋氏擄取鐵鋤毆打。該犯復戳傷王宋氏左後肋等處。倒

地。王熊氏、王宋氏同時殞命。查已死王熊氏係該犯同高祖族伯王卯之妻。服屬總麻。王宋氏係王熊氏之媳。與該犯並無服制。應同凡論。死係姑媳二命。遍查律例並無致死一家二命一係總麻一係凡人。作何治罪。明文若照致死凡人一家二命例。擬以絞決。則王熊氏究係該犯有服尊屬。

本○律○已○擬○斬○候○較○之○毆○死○凡○人○一○家○二○命○  
爲○重○自○應○酌○量○比○例○問○擬○王○沅○湯○應○比○照○  
毆○死○總○麻○尊○長○一○家○二○命○擬○斬○立○決○例○擬○  
斬○立○決○



刑部比照加減成案

杭州許樞

刑律人命

造畜蠱毒殺人

河南司  
道光十三年

河撫咨唐縣王槐因挾王棟不允借馬之嫌起意毒斃馬匹令王棟花錢洩忿潛將

砒末拌入麩內。致王女及王振家誤毒斃命。與尋常毒獸誤斃人命。情節較重。王槐應比依毒藥毒獸誤斃人命。如置藥之處。在人常經處所。因而殺人者。依無故向有人。居止宅舍。放彈射箭。滿流罪上。量加一等。發附近充軍。

鬪毆及故殺人

陝西司 道光四年

陝撫咨馬有得鎗傷董克勤身死。查該犯鎗係誤觸。並非擅行施放。似未便科以擅將鳥鎗施放。坐以故殺之罪。而董克勤之死。究因先與馬有得爭詈追毆起釁。又與過失殺迴別。遍查律例。並無與人爭毆。被

追負鎗奔跑。誤觸鎗發。傷斃追趕之人。作何治罪。明文。若照故殺定擬。該犯究非擅將鳥鎗施放。如竟照鬪殺擬絞。又係火器殺人。例內既無明文。引斷殊無依據。咨請部示。查例載。因爭鬪擅將鳥鎗施放。殺人者。以故殺論。故殺者。斬。監候。各等語。誠以火器爲害最烈。既經施放。殺人卽難言非。

有○心○致○死○故○治○罪○獨○嚴○然○此○係○指○有○心○施○  
放○而○言○若○並○未○施○放○因○被○追○趕○失○跌○震○動○  
火○機○不○期○鎗○發○致○斃○卽○不○得○謂○之○擅○行○施○  
放○自○未○便○槩○擬○駢○首○此○案○馬○有○德○持○鎗○打○  
鴿○途○遇○董○克○勤○索○租○爭○詈○拾○石○誤○擲○董○克○  
勤○上○前○撲○毆○該○犯○負○鎗○跑○避○董○克○勤○尾○追○  
該○犯○被○絆○閃○跌○坐○地○以○致○震○動○火○機○鎗○發○

適傷董克勤殞命。核其情節。該犯負鎗逃  
跑。失跌震動。與有心施放。因而殺人者。不  
同。惟該犯先與董克勤拾石互擲。已有爭  
鬧情形。自應照鬪殺科斷。應令該撫將該  
犯馬有德。依鬪殺律擬絞監候。

安徽

道光五年

安撫趙喬喜壯。因喬文浮。夤夜圖姦伊小

功堂叔喬文亮之表妹戴楊氏。該犯聞戴  
楊氏喊嚷有賊。攜刀出看。時已昏黑。未能  
看明面貌。料是賊人。用刀砍傷喬文浮殞  
命。喬文浮意在圖姦。固屬罪人。惟該犯非  
戴楊氏有服親屬。並無應捕之責。且因疑  
賊致斃。應照例仍以鬪殺問擬。將喬喜壯  
依鬪殺律擬絞監候。

陝西司

道光六年

烏什辦事大臣奏王仁用刀扎傷王伏身死。將王仁依故殺律擬斬監候。查王仁供招內。僅稱因買賣不公。欲將王伏等扎傷洩忿。並無有心致死之語。且該犯先扎傷趙建都右腿一下。因王伏撲拉。該犯回手亦向其腿上扎去。不料適傷其腎囊致死。



詳核情節正與鬪殺之律相符辦事大臣  
將王仁依故殺律擬斬監候係屬錯誤應  
卽照律更正王仁應改依鬪殺律擬絞監  
候。

山西司 道光七年

晉撫題李懿青因向伊媳李曹氏調姦不  
從被李曹氏趕毆將李曹氏毆傷復因李

曹氏攏揪。稱欲拚命。李懿青用腳踢傷其肚腹。立時殞命。該撫將李懿青。比照強姦子婦未成而婦自盡例。加等擬軍。經部駁。以李懿青。毀起調姦。蔑倫傷化翁媳之義。已絕應同凡論。且恐有強姦已成情事。復據該撫審明李懿青。實因調姦起釁。並無強姦已成情事。遵照部駁。比律改擬。應比

照、關、殺、律、擬、絞、監、候。

廣東司 道光十年

廣撫題賴朝孫因見朱氏在伊竹林挖筍向阻爭鬧毆傷朱氏身死查朱氏年甫十五歲挖筍戲耍係屬童女無知與實在行竊不同賴朝孫仍依關殺律擬絞監候。

廣西司 道光十四年

廣西撫題蕭老運因董汝英竊伊雇主董  
汝錫田內禾秧捕毆斃命查董汝英係董  
汝錫各居總麻服兄其相盜殺傷例不得  
照凡人擅殺科斷該犯係董汝錫雇工查  
律例內並無雇工捕毆雇主總麻親屬作  
何治罪明文第親屬相盜殺傷既各依服  
制本律問擬則雇工捕殺雇主總麻服兄

亦。不。得。以。鬪。殺。科。斷。自。應。仍。依。凡。鬪。問。擬。  
該。犯。與。董。汝。錫。並。無。主。僕。名。分。應。同。凡。論。  
蕭。老。運。合。依。鬪。殺。律。擬。絞。監。候。

河南司 道光十四年

河撫題請縣張喜成先在李九發家傭工。  
並無主僕名分。該犯與其孀媳李胡氏通。  
姦。訊。由。李。九。發。教。令。所。致。該。犯。辭。工。以。後。

復往與胡氏續姦。被李九發撞見。斥罵揪  
毆。該犯將其扎傷致斃。在李九發先圖該  
犯力作。教媳通姦。本屬無恥之徒。不得仍  
以捉姦論。張喜成將其倉卒毆斃。亦未便  
與罪人拒捕同科。應仍以凡鬪問擬。張喜  
成合依鬪殺律擬絞監候。

陝西司

道光四年

陝撫題孫崔娃因無服族叔祖孫昌泰屢  
次生事行兇擾害該犯屢被欺侮嗣後強  
借該犯蒸籠不還。嗔索尋毆打門肆詈該  
犯登時忿激起意將其致斃。孫昌泰之妻  
王氏護夫趕毆該犯觸其素日潑惡起意  
一併殺死。奪斧砍傷斃命。查該犯登時忿  
激致死棍徒罪止擬徒與故殺平人一家。

二命者不同其故殺玉氏罪應斬候自應  
從重問擬應如該撫所題孫崔娃合依故  
殺者斬律擬斬監候

陝西司 道光四年

喀喇沙爾辦事大臣奏馬農故殺連氏身  
死查馬農因續姦不遂將姦婦登時殺斃  
係屬尋常故殺自應欽遵



諭旨。將馬農按故殺本律。擬以斬候。入於  
秋審辦理。該辦事大臣。將該犯加等擬斬。  
立決。殊與例應斬決之犯。無所區別。馬農。  
應仍照故殺者。斬律。擬斬監候。

陝西司 道光五年

烏魯木齊都統奏兵丁王文因見無人跟  
隨。驢頭疑係失走。欲行宰殺。經事主趕至。

不依聲稱首告。該犯恐到官受責。起意致死。用毛繩將事主項頸繞勒。登時斃命。已屬不法。應如該都統所奏。王文合依故殺者斬律。擬斬監候。請

旨卽行正法。以昭炯戒。

山東司 道光五年

東撫題潘雲祝等共毆無服族姪潘思收

越二十四日身死。潘思收身受各傷。惟該  
犯潘雲祝踢傷腎囊。並左腎子破損爲重。  
應以該犯當其重罪。前據該署撫以腎子  
破損。律無保辜明文。因傷由足踢。照手足  
傷保辜。將該犯擬以絞候。依律聲請等因。  
具題。經本部以腎囊係致命部位。腎子尤  
爲要害。既至破損。卽與踢人脇肋肚腹致。

內損吐血者無異。踢人脇肋肚腹內損。向  
照破骨傷定擬。乃該署撫將該犯照手足  
傷保辜之處。有無依據。駁令查明另擬。去  
後。茲據該署撫疏稱。律無明文。亦無依據。  
遵照破骨傷保辜定擬。將潘雲祝依共毆  
人至死下手致命傷重者絞。監候律擬絞。  
監候。

陝西司 道光七年

哈密辦事大臣奏李倉等共毆馬滿提身  
死。查原驗馬滿提被毆各傷。楊玉秀川鑱  
刀柄戳傷左血盆等處。色僅青紅。迨被李  
倉推跌倒地。鼻竅流血。委因推跌內損身  
死。應以李倉當其重罪。該犯等毆係同場。  
自應照共毆本律定擬。該辦事大臣將李

倉依關毆律擬絞。罪名雖無出入。引斷殊屬錯誤。李倉應改依共毆人致死下手傷重者絞。監候律擬絞。監候。

河南司

道光六年

河撫題靈寶縣何大進等共毆孟德科身死。查范南貴因被孟德科辱罵不甘。輒糾同何大營兒等尋毆洩忿。孟德科被解勸。

之何大進毆斃。范南貴固屬首禍之人。第  
下手傷重。擬抵之何大進。並非該犯糾往。  
未便仍科該犯以原謀之罪。遍查律例。並  
無作何治罪明文。范南貴應比照同謀共  
毆人致死原謀杖一百。流三千里。律上量  
減一等。杖一百。徒三年。

陝西司

道光九年

陝撫奏劉玉赴京控告寶沅挾仇謀殺伊父劉連升。改供捏詳等情。查寶麟係寶沅堂弟。因與寶沅不睦。聞知寶沅與劉連升爭鬧後。在家叫罵。輒赴劉連升家告訴。致劉連升聞知氣忿。自行赴寶沅家尋毆。並非寶麟糾邀與共毆人致死案內之原謀。不同。況劉連升轉被寶沅毆斃。卽屬糾毆。



亦。不。能。科。以。原。謀。之。罪。該。撫。以。一。死。一。抵。  
皆。由。寶。麟。一。言。所。激。依。原。謀。律。擬。流。係。屬。  
錯。誤。惟。寶。麟。肇。釁。致。釀。人。命。應。照。不。應。重。  
律。杖。八。十。酌。加。枷。號。一。個。月。事。犯。到。官。在。  
恩。詔。以。前。所。議。杖。枷。應。予。寬。免。

貴州司 道光十一年

貴撫題正安州王呈祥鄧得寬等聽從王

宇糾拏行竊之郭占銀郭得先送官將郭占銀等毆傷身死查王宇因被郭占銀郭得先偷摘包穀並將其女閔王氏與媳王何氏毆傷糾邀王呈祥等往拏郭占銀等送官並非令其毆打與原謀不同惟該犯糾人往拏以致王呈祥鄧得寬致死郭占銀父子二命例無治罪明文應於原謀滿

流律上減一等杖一百徒三年該犯年逾七十照律收贖本部查擅殺罪人與凡鬪不同並無原謀之例王宇因郭占銀等偷竊包穀並將伊女伊媳毆傷糾邀王呈祥等往拏郭占銀等送官並無不合卽王呈祥等將郭占銀等毆死尤非王宇意料所及該撫將王宇依原謀量減擬徒之處應

毋庸議。

貴州司 道光十一年

貴撫題大定府民宋沅沅點放鳥鎗中傷  
張石保身死並熊老么宋二互放鳥鎗中  
傷宋長淋熊老四等平復案內之熊沅糾  
約多人往奪其子並令宋沅沅等毆打致  
其弟熊老么用鳥鎗將宋長淋中傷糾往

之張石保又被彼造烏鎗傷斃。遍查律例。並無治罪明文。若照原謀擬以滿流。其所糾之人。究未致死。彼造人命。應於原謀不問共毆與否。滿流律上。量減一等。杖一百。徒三年。本部查熊沅糾眾共毆其弟熊老么鎗傷彼造宋長淋平復。並未致死。其糾往之張石保被彼造宋沅沅鎗傷斃命。係

肇釁釀命應改照不應重律杖八十加枷  
號一個月。

陝西司 道光四年

陝撫題王鈞囊毆傷王雲見身死將案內  
之王成章照原謀滿流律上減一等杖一  
百徒三年查王鈞囊起意毆打王雲見洩  
忿向王成章告知情由並言恐一人難敵。

王成章令其糾約王苟子帮毆。是王鉤囊  
係屬造意之人。王成章僅係同謀。餘人並  
非原謀。今該撫以該犯用言相激。聳恿王  
鉤囊糾約。王成章於原謀滿徒上減一等  
擬徒。是舍共毆餘人之正條而牽引原謀  
之律。復予量減。與律不符。王成章應改依  
餘人律杖一百。

陝西司

道光四年

陝撫題伊蓮、戳傷無服族弟伊林身死。將伊元法、依他物毆人成傷擬答。本部查伊元法、因見伊林與伊子伊蓮互毆。該犯見而喝禁不聽。先後將伊蓮並伊林用刀柄毆打。意在解紛。固與同行助勢者不同。惟伊蓮既以共毆人致死。律科罪。伊元法卽



係。餘。人。應。改。依。餘。人。律。杖。一。百。

陝西司 道光六年

陝撫題黃兆芳、戮傷惠已祿身死。查鬪毆  
律注云。同謀毆人至死。雖不下手。依本律  
杖一百等語。茲黃光有兒等。聽從黃兆芳、  
糾毆惠已祿身死。該撫以聽糾同往之黃  
光有兒等。均未下手。將該犯等照不應重

律擬杖八十。與律義不符。黃光有兒、黃燕青、陳定官兒均應改依餘人律杖一百。

陝西司 道光九年

陝督題靈州官起受共毆官賜身死案內之官夢元係官賜無服族兄應照餘人律杖一百。尊長犯卑幼減一等擬杖九十。等語。查同姓服盡親屬相毆至死以凡論是。

共毆餘人亦應改照凡人問擬滿杖今該  
督以餘人官夢元係尊長犯卑幼於杖一  
百上減一等擬杖九十殊屬錯誤應卽更  
正官夢元應依餘人律杖一百

貴州司 道光十年

貴撫題馮小牛追趕鄧小玉失跌落河淹  
斃案內之阿雄朱紅李六受幫同追趕例

無治罪明文。比依共毆餘人律。各杖一百。

廣東司

道光六年

廣撫咨兵丁鄭俊等疑賊共毆致傷林大  
科身死案內之餘人梁陞用鐵鎗戳傷林  
大科左臀等處。照刃傷人擬徒。本部查鐵  
鎗係例載兇器。營中則爲軍器。雖係兵丁  
所應用。然止以備巡防操捕。並非爲兵丁

逞○兇○傷○人○而○設○若○兵○丁○倚○勢○滋○事○用○以○傷○  
人○自○應○照○兇○器○傷○人○本○例○定○擬○將○梁○陞○改○  
依○共○毆○之○人○審○係○持○鎗○傷○人○例○發○近○邊○充○  
軍○

河南司 道光九年

河撫題扶溝縣徐起蛟等共毆徐景乾身  
死案內之徐東林用鐵尺毆傷徐景乾左

膀等處查鐵尺係例禁兇器惟係其父徐起蛟攜往喝毆該犯聽從毆打自應照爲從律問擬徐東林合依共毆人執持兇器傷人者發近邊充軍例爲從減一等律杖一百徒三年。

四川司 道光八年

川督題江油縣趙文金因張老四之兄張

思位患病。向趙文金借房居住。後張思位  
病故。張老四央趙文金代討棺本。眼同裝  
殮。張老四起意訛詐。商允張文斌同往趙  
文金處。卽以其兄身死不明。賴稱裝殮時  
並未到場。并以給錢免得告官之言向嚇。  
趙文金不理。張老四、張文斌逼令給錢。趙  
文金欲投人講理。張老四卽用鐵鋤向毆。

趙文金奪鋤毆傷張老四腦後左耳根倒地。張文斌趕攏奪鋤。趙文金用鋤嚇毆。適傷張文斌右眉倒地。張老四、張文斌旋即殞命。查張老四等藉屍訛錢。實屬憑空詐賴。均係有罪之人。張老四、張文斌同姓不宗。並非一家。自應比例從一科斷。趙文金應比照無賴棍徒憑空詐賴若受害人。有



殺傷者以擅殺傷罪人律科斷。擅殺罪人者。照鬪殺律擬絞監候。

河南司 道光五年

河撫咨南陽縣主相魁。因父王親賢被張二禿用鐵通條毆傷倒地。該犯聞喊攜斧趨救。砍傷張二禿身死。核其所砍張二禿左臙朋一處。實係救父情切。嗣因張二禿

回毆。該犯復將其砍傷倒地。後又連砍二傷。係屬彼此互毆。未便援例兩請。惟原驗王親賢被張二禿所毆之左臙肋一傷。重至骨損。王親賢越六十九日。皆傷殞命。係在破骨傷保辜餘限二十日之內。已死之張二禿。係屬應抵正兇。例無救父情切。致傷兇犯身死。其父旋亦因傷斃命。作何治

罪明文。自應比例定擬。王相魁應比照兩家互毆致死一命其律應擬抵之正兇當時被死者有服親屬毆死杖一百徒三年例。杖一百徒三年。

江蘇司

道光十一年

蘇撫咨陳鄭氏因鄭高巖毆傷鄭熊氏倒地致懷抱幼孫鄭奴才同跌受驚身死鄭

高巖按律罪應擬抵。陳鄭氏係鄭奴才出嫁親姑。將鄭高巖還毆致死。將陳鄭氏照兩家互毆致死一命。其律應擬抵之正兇。被死者有服親屬毆死例。杖一百。徒三年。咨部。本部以兩家互毆致死一命。其應抵正兇。被死者有服親屬毆死擬徒之例。係指本宗親屬而言。陳鄭氏係外姻服尊。未

便援引駁令另擬。茲據該撫以親屬毆死  
應抵正兇條內只論毆死兇手之人是否  
與死者有服並無載明本宗外姻且本宗  
服圖內載姑在室期年出嫁大功姪之於  
姑爲父之同懷而姑之於姪爲已父母所  
自出非外姻可比。將陳鄭氏仍照原擬咨  
報查姑之於姪尚在本宗五服圖內究與

外姻不同。猶可援照本宗親屬之例辦理。  
陳鄭氏合依兩家互毆致死一命。其律應  
擬抵之。正兇被死者。有服親屬毆死例。杖  
一百。徒三年。

陝西司 道光四年

陝撫咨曹景玉。續姦被拒。用火藥燒傷萬  
阮氏。並其夫萬泳通平復。查該犯供招。因

阮氏悔過拒姦。購買火藥。黃夜從窗內點  
燒。是該犯預謀放火。既與釁起鬪毆。以湯  
火傷人者不同。至該犯供稱止圖燒傷洩  
忿。並非意欲燒死。不知火藥性甚猛烈。一  
經點燃。其會否殺人。卽放火者並不能操  
其權。而該犯何以能保所燃之火藥止可  
傷人。斷不至殺人。况火藥卒發。室中煙燄

交熾雖當白晝未寢時尚可燒燬斃命茲  
阮氏夫婦昏夜被燒多傷其所以不至於  
死者亦係倖免是該犯供稱若有心謀殺  
不肯及其未寢予以喊救之地難保非事  
後避就礙難率覆應令該撫派委妥員悉  
心研鞫如有別情另行定擬設竟無他故  
該犯用火藥傷人尚未延燒例內雖無專



條。而衡情比附。於火器傷人未死情節相  
類。若以棍徒擾害例比附。究未允協。統俟  
覆審妥擬。到日再議。

湖廣司 道光五年

南撫咨丁載煌、因丁宸燦欠錢不還、搬去  
煙葉作抵、並非平空搶奪、其點放鐵銃中  
傷丁宸燦雇工王茂才身死、比照因爭鬪、

擅將竹銃施放殺入者以故殺論故殺者斬律擬斬監候。

四川司

道光八年

川督題永川縣陳大沅屋後與陳有儀之子陳大罄等有公共栢樹一株陳大沅因有礙風水欲將樹株砍去陳大罄阻止斥伊不應私砍樹株拾刀向戳陳大沅跑走。

陳大磬隨後追戮。陳大沅情急順攜防夜  
竹銃。僞裝點放。原冀嚇退。不期火星挫燃  
門藥。陳大磬躲避。適陳有儀正從陳大磬  
身後攏勸。誤被陳大沅轟傷右腿倒地。扶  
回用藥敷治。傷已結痂。嗣陳有儀染患寒  
病身死。該督因陳有儀係陳大沅胞伯。將  
陳大沅比照卑幼刃傷期親尊屬。訊非有

心干犯。或係金刃誤傷。擬絞。監候例。擬絞。監候。查陳大沅。係放銃誤傷。律得以鬪殺論。按湯火傷保辜。尚在折傷以下。原驗陳有儀。傷已結痂。死由於病。非死於傷。未便因陳有儀因病身死。卽重科。該犯以竹銃誤傷。比照期親尊屬例。擬以絞候。題駁去後。該督遵駁更正。將陳大沅改依弟妹毆

兄姊折傷律擬以滿流。毋庸以尊屬加等。  
查凡人擅放竹銃傷人及因爭鬧施放誤  
傷旁人尚應依例擬軍。今陳大沅因爭鬪  
攜銃抗拒誤傷期親尊屬自應於凡人竹  
銃傷人按服制加等問擬該督將該犯比  
律擬流係屬錯誤。陳大沅應改依因事爭  
鬪擅將竹銃施放傷人者發雲貴兩廣煙

瘴少輕地方充軍例應按服制遞加四等罪止改發新疆仍照奏定調劑章程改爲實發雲貴兩廣極邊煙瘴充軍

山西司 道光九年

晉撫咨彭應成等與胥金沅等因挑渠相爭同時互毆受傷並無首從可分亦未能分別某人打傷某人自應一體按例問擬

彭應成、比、依、鳥、鎗、竹、銃、傷、人、發、雲、貴、兩、廣、  
煙、瘴、充、軍、係、奪、獲、施、放、仍、照、奪、獲、兇、器、傷、  
人、例、量、減、一、等、擬、杖、一、百、徒、三、年、

湖廣司

道光九年

南撫題張先名、點、放、鐵、銃、謀、殺、胞、姪、張、組、  
義、以、致、誤、傷、胞、兄、張、光、發、平、復、該、撫、比、照、  
刃、傷、期、親、尊、長、例、擬、絞、監、候、部、以、火、器、傷、

人擬軍之例。本係律外加重。不加至死。改  
照因爭鬪。擅將竹銃施放。傷人發雲。貴兩  
廣煙瘴少輕地方。充軍例。按服制遞加四  
等。以加發新疆。當差無可復加。仍改發雲  
貴兩廣極邊煙瘴充軍。到配加枷號三個  
月。

河南司

道光十一年



河撫容祥符縣滿營蒙古閒散王多卽阿哩布與馬甲法興爭毆輒用線鎗打傷法興平復雖線鎗爲打雀所用與鳥鎗形式不同究係火器傷人自應比例問擬王多應比照因爭鬪擅將鳥鎗施放傷人者旗人發寧古塔等處例發寧古塔等處安置

廣西司

道光十四年

廣西撫咨朱道經因與賊格鬪致銃沙誤傷無干之朱一中平復查朱一中係朱道經總麻服姪。遍查律例並無有服尊長施放竹銃誤傷卑幼明文。自應依凡人竹銃傷人例按服制減等問擬。朱道經合依竹銃傷人發雲貴兩廣煙瘴少輕地方充軍例減一等杖一百徒三年。其因捕賊誤傷

應照過失傷人律收贖銀數給付被傷之人免其治罪。

安徽司 道光五年

安撫題周容法聽從周成志糾毆李應芳身死原謀周成志在監病故查周容法等先世習業低微習俗相沿稱爲細民其依投李姓既係年遠難稽而李姓之派別支

分。其應以何人爲周姓家長之處。又屬無從查考。則主僕名分已難懸定。且所給田宅無幾。尚須取租供賦。更不能養贍周姓合族之人。而李姓遇有婚喪等事。周姓之習業吹手擡轎者。尚須前往承應。則以工計值。有虧無盈較之。常受主家豢養之雇工。又屬迥然各別。至其素日不敢居於平

等。由於習業低微之故。卽奉嘉慶十四年  
定例開豁。亦因沿於積習。未經改圖。在周  
姓等各自爲生。原未以李姓爲家長。而李  
姓以始於前代。遂視周姓爲家奴。揆其實。  
不特無契券可憑。亦並未常川豢養。實非  
世僕雇工。可比。自應遵照定例。准其開豁。  
爲良。彼此相犯。應以凡人科斷。周容法合。

依共毆案內原謀到官以後未結之前監斃在獄者准其抵命將下手應絞之人減等擬流例擬杖一百流三千里再安嶽嶽州等處細民一項久經欽奉雍正五年諭旨開豁爲良因或被大姓逼勒或係自甘污賤致有仍執賤業之人惟查例載各省樂籍並浙省墮民丐戶皆令確查例籍

改業爲良。若土豪地棍。仍前逼勒凌辱。及  
自甘污賤者。依律治罪等語。該細民籍業  
微賤。與樂戶墮民相同。自應仿照辦理。應  
請嗣後該細民等。除有典身賣身文契可  
憑。並在主家常川服役。受其豢養。實有主  
僕名分者。如與家長及家長之親屬有犯。  
悉照奴僕例分別問擬外。若無賣身文契。

又。非。朝。夕。服。役。受。其。豢。養。雖。佃。大。戶。之。田。  
葬。大。戶。之。山。住。大。戶。之。屋。非。實。有。主。僕。名。  
分。者。應。除。其。賤。籍。一。體。開。豁。爲。良。彼。此。有。  
犯。並。同。凡。論。如。有。土。豪。地。棍。仍。前。逼。勒。凌。  
辱。及。自。甘。污。賤。者。依。律。治。罪。庶。久。困。之。良。  
民。得。以。振。拔。自。新。而。於。習。俗。民。風。似。有。裨。  
益。均。應。如。所。題。辦。理。



河南司 道光六年

河撫題汝州顧進因陳士殿圖姦其服婦  
顧喬氏未成共毆陳士殿身死查顧進所  
毆陳士殿致命脊背左等處爲最重且係  
最後下手應以擬抵第顧銀良用木桿疊  
毆陳士殿脊背右長至一尺二寸色至青  
紅亦足斃命今顧銀良取保病故律無毆

有重傷之餘人。取保病故。正犯應否減等。明文核其身故之由。本於因案牽連所致。與在監在途病故。同屬因案身亡。自應准其一律抵命。顧進應照共毆餘人毆有致死重傷之人到官以後未結以前監斃在獄。准其抵命。將下手應抵之人減等擬流。於有服親屬殺死圖姦未成罪人絞候例。

上減一等杖一百。流三千里。

陝西司 道光五年

陝督題合水縣何光揚因聞知衙役王鳳等索詐莊人錢文起意糾同張得等毆逐張得將背負行李之劉漢德毆斃是砍死並非所欲謀毆之人亦非所欲謀毆之父母兄弟妻女子孫及有服親屬自應將起

意糾毆之犯。按例減等問擬。該督將該犯何光揚。照原謀律擬以杖流。殊與例義未符。何光揚應改依同謀共毆人致死。如被糾之人毆死。非其所欲謀毆之人。亦非所欲謀毆之父母兄弟妻女子孫。及有服親屬將起意糾毆之犯。不問共毆與否。照原謀律減一等例。擬杖一百。徒三年。

屏去人服食

山東司 道光五年

東撫題徐經石因向伊妻劉氏求歡。劉氏貪睡不醒。該犯欲使劉氏不能安睡。輒取信末納入劉氏產門。以致毒發潰爛身死。律例並無治罪專條。自應比例問擬。徐經石應比照凡以他物置人孔竅中致死者。

絞監候律擬絞監候。

安徽司 道光八年

安撫客送徐二因安張氏寄養伊家貧難  
供給復因安張氏患病不能帶同尋房先  
將安張氏擡放新莊邨外野地經人送回  
嗣復欲帶同安張氏借住傅二墳地閑房  
行至中途因恐安張氏病斃受累起意商

同傳二將其擡放土城坡下以致安張氏  
因病受凍身死。律無治罪專條。自應比照  
屏去人服食。因而致死律科斷。惟安張氏  
身穿衣物。該犯並未脫下。且擡放時。復將  
綿被搭蓋其身上。與屏去者稍殊。若遽比  
律擬絞。殊與故屏者無所區別。該犯雖稱  
安張氏爲義母。第未蒙撫養。並非過房義

屏去人服食

三

子可比應以凡人酌減問擬將徐二比依  
屏去人服食因而致死絞罪上量減一等  
杖一百流三千里傳二照不應重律杖八  
十。

貴州司 道光十年

貴撫題修文縣林麻么因與徐老四爭取  
礦砂用稻草辣子燒煙冀其退避致徐老



四被煙熏入孔竅身死。原驗口內有血流  
出。其爲被熏致死無疑。惟律例內並無治  
罪明文。林麻么應比照凡以他物置人耳  
鼻孔竅中致死者律擬絞監候。

廣西司 道光八年

廣西撫岑鍾卓輝起意商同李春魁等用  
蔓陀羅藥末給林乞丐食後昏迷倒地裝

傷圖詐黃立端家錢物。詎李春魁放藥過多。林乞丐受毒身死。查本草綱目內載蔓陀羅。辛溫有毒。卽與毒物無異。惟律例內並無用毒藥給人服食。圖詐未成。致服藥之人。受毒身死。作何治罪。明文自應比例問擬。鍾卓輝應比照故用毒蠱傷人以鬪毆傷論。因而致死者。斬。律擬斬。監候。李春

魁聽從圖詐。下手用藥。致林乞丐毒斃。應照爲從減一等杖一百。流三千里。